



Krizni štab Ministarstva zdravstva, rada i socijalne politike Unsko-sanskog kantona

Krizni štab Ministarstva zdravstva, rada i socijalne politike Unsko-sanskog kantona, u cilju daljnjeg praćenja situacije i poduzimanja mjera radi sprječavanja i ranog otkrivanja slučajeva bolesti izazvane novim koronavirusom (COVID -19), koja je Zaključkom Vlade Federacije BiH, V. broj 164/2020 od 31.01.2020. godine proglašena zaraznom bolešću čije je sprječavanje i suzbijanje od interesa za Federaciju BiH, a od strane Vijeća ministara Bosne i Hercegovine, dana 17.03.2020.godine, proglašena kao stanje prirodne nesreće na cijelom području Bosne i Hercegovine, analizirajući situaciju na području Unsko-sanskog kantona, u skladu sa odredbama Pravilnika o organizaciji i načinu rada Kriznog štaba Federalnog ministarstva ("Službene novine Federacije BiH", broj 10/12), na sedmoj sjednici, održanoj dana 17.03.2020.godine, donio je sljedeću

N A R E D B U

1. Obustavlja se rad svih ugostiteljskih objekata za pripremanje i prodaju hrane i pića: restorana, pizzeria, slastičarni, čevabdžinica, nargila barova, caffè i bistro barova, klubova, diskoteka, kazina, sportskih kladionica, rad kafića u sklopu benzinskih pumpi i slično na području Unsko-sanskog kantona, u trajanju od najmanje 15 dana od dana donošenja ove naredbe. Od ove naredbe se izuzimaju oni ugostiteljski objekti koji se, pismenim putem prema Kriznim štabovima gradova/općina, izjasne da će obavljati isključivo dostavu hrane, uz pridržavanje mjera zaštite i fizičkog razmaka prilikom dostavljanja hrane i pića, s tim da i dalje ne smiju služiti hranu i piće u objektu, niti primiti goste u objekte. Rok:Odmah;
2. Obustavlja se rad kulturnih institucija: biblioteka, kina, muzeja, pozorišta, umjetničkih galerija i slično na području Unsko-sanskog kantona, u narednih 15 dana. Rok:Odmah;
3. Obustavlja se rad javnih bazena i kupališta, sportskih centara, spa centara, fitnes centara, teretana i slično, u narednih 15 dana
Rok:Odmah;
4. Otkazuje se i zabranjuje održavanje svih javnih skupova u Unsko-sankom kantonu, kao i privatnih skupova, proslava i drugih okupljanja, kako u organizaciji pravnih tako i fizičkih lica, u narednih 15 dana.
Rok:Odmah;
5. Ograničava se radno vrijeme administracije na području svih gradova i općina Unsko-sanskog kantona i rad se organizuje (uvodi) u vremenu od 8,00 do 13,00 sati.
Rok: Do daljnjeg;
6. Obustavlja se rad svih shopping tržnih centara, frizerskih i kozmetičkih salona i slično, osim rada trgovina osnovnim prehrambenim artiklima (supermarketi, hipermarketi, pekare, apoteke, poljošprivredne apoteke, benzinske pumpe), u narednih 15 dana. Rok:Odmah
7. Zabranjuje se rad buvljih, sedmičnih pijaca, autopijaca i sličnih zabranjuje se u trajanju od najmanje 15 dana od dana donošenja ove naredbe, dok se rad zelenih pijaca i pijara odvija uz poštovanje preventivnih higijensko-epidemioloških mjera, u narednih 15 dana. Rok:Odmah

8. Nalaže se svim lokalnim samoupravama, kantonalnim upravama, privrednim društvima, fizičkim i pravnim licima na području Unsko-sanskog kantona da pojačaju provođenje opštih i posebnih mjera zaštite stanovništva od zaraznih bolesti, sa posebnim naglaskom na pojačanu vanrednu dezinfekciju poslovnih površina, sredstava javnog prevoza (autobusi, taxi vozila, kombi vozila), u narednih 15 dana. Rok:Odmah

9. Zabranjuje se okupljanje na javnim igralištima, igraonicama, parkovima i drugim javnim površinama na području Unsko-sanskog kantona, u cilju zaštite zdravlja stanovništva, u skladu sa prisutnim epidemiološkim rizicima, u narednih 15 dana. Rok:Odmah;

10. Zabranjuje se provođenje vjerskih obreda svim konfesijama na području USK, a koje podrazumijevaju okupljanje većeg broja vjernika na jednom mjestu, u narednih 15 dana. Rok:Odmah;

11. Krizni štab predlaže izmještanje dijela Službe za poslove sa strancima na granične prelaze, koji će voditi računa o evidenciji migranata. Rok:Odmah;

12. Nalaže se Službi za poslove sa strancima da odredi, u saradnji sa Međunarodnom organizacijom za migracije (IOM), unutar svih privremenih prihvatnih centara u USK, a čiji su upravitelji (Bira i Borići u Bihaću, Sedra u Cazinu i Miral u V. Kladaši), da odrede izolacione prostorije u koje bi se mogli izmjestiti sumnjivi slučajevi migranata i tražioca azila iz tog prihvatnog centra. Nalaže se inspektorima Službe za poslove s strancima da vrše nadzor nad poštivanjem mjera samoizolacije u izolacionim sobama ovih prihvatnih centara. Rok:Odmah i kontinuirano;

13. Nalaže se, da se pored higijensko-epidemioloških službi domova zdravlja, u kontrolu osoba kojima su izdata rješenja o samoizolaciji ili zdravstvenom nadzoru, uključe i komunalni redari i inspektori uz asistenciju policije. Rok:Odmah;

14. Zadužuju se savjeti mjesnih zajednica da obavještavaju gradske/općinske krizne štabove i nadležne policijske stanice o poznatim kretanjima osoba kojima su izdata rješenja o kućnoj izolaciji u svojim mjesnim zajednicama. Zadužuju se svi predstavnici etažnih vlasnika u zgradama da odmah, u saradnji sa upraviteljima poduzmu mjere pojačane dezinfekcije i čišćenja svih zajedničkih prostorija i površina. Rok: Odmah i kontinuirano;

15. Prilikom ukopa umrlih Krizni štab preporučuje obavljanje obreda sa minimalnim brojem prisutnih (uži članovi porodice) uz pridržavanje mjera minimalnog socijalnog kontakta (bez fizičkog kontakta)..Rok: Odmah i kontinuirano;

16. Nalaže se organima upravljanja, upravnim organizacijama, institucijama, javnim ustanovama, preduzećima i ostalim pravnim subjektima koji se bave pružanjem usluga građanima (elektrodistribucija, telekom, pošta, šalter sale gradova/općina, banke i sl) da uvedu dvokratno radno vrijeme, gdje će između dva radna vremena izvršiti dezinfekciju prostorija i površina. Preporučuje se i da izvrše racionalizaciju potrebnog kadra za obavljanje rada u skladu sa pojačanim higijensko-epidemiološkim mjerama. Svi navedeni subjekti obavezni su dostaviti informaciju o poduzetim mjerama Kriznom štabu na mail adresu: zdravstvo@vladausk.ba Dezinfekciju mogu obavljati HES Domova zdravlja, veterinarske stanice i privatni sektor. Rok:Odmah;

17. Organima upravljanja, upravnim organizacijama, institucijama i drugim kojima je osnivač USK ili grad/općina nalaže se da sagledaju mogućnost skraćivanja radnog vremena i smanje potreban broj uposlenika sa periodičnim rotiranjem, zbog redukcije međusobnih kontakata. Rok:Odmah;

18. Traži se od nadležnih inspekcija da sankcionišu neopravdano veliki rast cijena prehrambenih i svih drugih artikala. Rok:Odmah i kontinuirano;
19. Od Ministarstva obrazovanja i nauke USK je zatraženo da sagleda mogućnosti da nastavno osoblje obavlja potrebne aktivnosti od kuće. Rok:Odmah i kontinuirano;
20. Poslodavcima se preporučuje da prilikom organizacije posla, u skladu sa aktuelnom epidemiološkom situacijom, iskažu razumijevanje za osobe koje boluju od hroničnih bolesti koje za posljedicu imaju oslabljen imunitet, kao i za osobe koji su roditelji ili staratelji djece ili osoba sa posebnim potrebama. Rok:Odmah i kontinuirano;

Broj: 09-33- 3099-3 /20
Bihać, 17.03.2020.godine



Predsjednica Kriznog štaba MZRSP USK
Ministrica
dr. sc. prim. Nermina Čemalović, s.r.